



Broj: 05-04-20-1742-7/26
Maglaj, 28.04.2026. godine

Na osnovu člana 72. stav (3) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Sanacija i rekonstrukcija nekategorisanog puta u naseljenom mjestu Krušik, MZ Bradići“, Općinski načelnik donosi

ODLUKU

o dodjeli ugovora drugorangiranom ponuđaču

I

Ugovor o nabavci radova na sanaciji i rekonstrukciji nekategorisanog puta u naseljenom mjestu Krušik, MZ Bradići, dodjeljuje se drugorangiranom ponuđaču „Geo-put“ d.o.o. Maglaj, u skladu sa ponudom broj 32/26 od 10.04.2026. godine, po ukupnoj cijeni od 15.988,00 KM bez PDV-a, odnosno 18.705,96 KM sa uračunatim PDV-om, a nakon što je izabrani ponuđač propustio blagovremeno dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač.

II

Ovom odlukom stavlja se van snage Odluka o izboru najpovoljnijeg ponuđača, broj 05-04-20-1742-6/26 od 17.04.2026. godine, kojom se predmetni ugovor dodjeljuje ponuđaču „Pervan Bau“ d.o.o. Žepče.

III

Ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka stupa na snagu danom donošenja.

Obrazloženje

Odlukom o izboru najpovoljnijeg ponuđača, broj 05-04-20-1742-6/26 od 17.04.2026. godine, ugovor o nabavci radova na sanaciji i rekonstrukciji nekategorisanog puta u naseljenom mjestu Krušik, MZ Bradići, dodijen je ponuđaču „Pervan Bau“ d.o.o. Žepče, po ukupnoj cijeni od 15.412,24 KM bez PDV-a, odnosno 18.032,32 KM sa PDV-om.

Ova odluka je, zajedno sa zapisnikom o pregledu i ocjeni ponuda, dana 17.04.2026. godine dostavljena putem maila svim ponuđačima koji su učestvovali u postupku javne nabavke, u skladu sa članom 70. stav (2) Zakona o javnim nabavkama. Odlukom je izabrani ponuđač

pozvan da u roku od pet dana od dana njenog zaprimanja dostavi dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač. Uvidom u spis utvrđeno je da je izabrani ponuđač „Pervan Bau“ d.o.o. Žepče Odluku o izboru najpovoljnijeg ponuđača uredno zaprimio dana 17.04.2026. godine, dakle rok za dostavu dokumentacije je bio 22.04.2026. godine. Izabrani ponuđač je propustio dostaviti traženu dokumentaciju u ostavljenom roku.

S obzirom da izabrani ponuđač u predviđenom roku nije dostavio traženu dokumentaciju, ugovorni organ je postupio u skladu sa članom 72. stav (3) tačka a) Zakona o javnim nabavkama i ugovor dodijelio drugorangiranom ponuđaču. Prilikom donošenja ove odluke, ugovorni organ se rukovodio stavom Agencije za javne nabavke BiH, prema kojem je odluka o dodjeli ugovora drugorangiranom ponuđaču internog karaktera, te se ne dostavlja svim učesnicima u postupku, niti postoji pravo žalbe na istu. Naime, Zakon o javnim nabavkama propisuje da ugovorni organ dostavlja prijedlog ugovora ponuđaču koji je po rang-listi odmah nakon ponude najuspješnijeg ponuđača, u zakonom definisanim slučajevima. Također, svim učesnicima u postupku je već u ranijoj fazi dostavljena odluka o izboru najpovoljnijeg ponuđača i zapisnik o pregledu i ocjeni ponuda (sa rang-listom), tako da su oni imali sve činjenice dostupne, pa i činjenicu ko je drugorangirani. Pravna zaštita je osigurana kroz mogućnost žalbe nakon objave obavještenja o dodjeli ugovora, ukoliko se iz istog utvrdi da ugovor nije dodijeljen drugorangiranom.

Imajući u vidu sve navedeno, a primjenom odredbe člana 72. stav (3) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke žalba nije dozvoljena.

DOSTAVLJENO:

1. “Geo-put” d.o.o. Maglaj
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković